

Zur
Gräfl. vom Hagen'schen
Majorats - Bibliothek



MÖCKERN
gehörig.

N^o 2328
auf 2400

— 00
00
00



13
DECAS PROPEMPTICA,
Nobilissimis & doctissimis Iuvenibus
DDDnnn.

LVDOVICO, HEN-
RICO ET CVNONI à LOCHOV
Fratribus germanis & patruelibus,
Reverendissimi & Nobilissimi Viri,
Dn.

LVDOVICI à LOCHOV
Metropolitanae in Archiepisco-
patu Magdeburgensi Ecclesiae De-
cani dignissimi,

Ex fratribus
GEORGIO & CASPARO
Nepotibus:

Ex Academia Salana continuum triennium &
ultra usurpata ad exteras Academias,
una cum

Dn. PAVLO CELLARIO M.F.
ipsorum Ephoro,
discedentibus,

Dicata ab Amicis,
Talibus se perpetuum fore spondentibus, Quales
typus in seq. pagina exigit.

Excusa ibidem in Librario Tobiae
Steinmanni, M.DCI.Kal.Quintil.



I.

O Flores iuvenum, tria candida pectora, quorsum
 Vos virtutis iter, quò pietatis amor?
 Quò rapit accensum studijs vos pectus honestis,
 Ut mens sit nostræ linquere recta Scholæ?
 In qua præ reliquis tria lumina pulchra micatis,
 Ceu lucent rutilo sydera clara polo.
 Scilicet est animus peregrinas visere terras,
 Et procul à patrio regna remota solo.
 Ut varios hominum mores noscatis & urbes,
 Quicquid & his pulchram sortè videre iuvat.
 Est hæc civilis non parva scientia vitæ,
 Iudicium firmat, multaq; nosse docet.
 Hæc Ithacus sapiens reliquis prudentior vnus
 Exitit, hæc mores format & ipsa bonos.
 Pergite, ceu fatitis, Sirenum temnere voces,
 Vitæ & magicæ dira venena Deæ,
 Est Ithacus vobis, est vobis fidus Achates,
 Is vestræ est prudens dux sociusq; viæ.
 Huic faciles præbete aures, huic recta monenti
 Parere, à scopulis quò via tuta fiet.
 Sed me plura vetat mens interrupta labore
 Diverso. & quod vos acceleratis iter.
 Ite bonis avibus ducentibus ite beatis
 Spiritibus, trino concomitante Deo.

Iacobus Stincius

I. V. D.

A 2

Ergone



II.

ERgonè Lochoviæ vos ô tria germina, gentis,
Ille Camœnarum non magis vrit amor?
Tres super æstates quo vos Salana recoxit,
Nam procul ire iuvat, nec remeare libet,
Non ita: Maior enim solidæ virtutis & artis
Vos amor, & laudis fervidus ardor agit.
Ire viam quô fata trahunt, gratum que verendi
Imperium patruï quò iubet, ire viam;
Et mores hominum terrasque videre iacentes,
Ac cupidæ plures quærere mentis opes.
Sub duce cuncta Deo, patruoq; sub auspice tuta,
Et nihil est, vestrum quod remoretur iter.
Quin comes it vobis Cellarius alter Achates,
Cuius sollicitam fors fovet ipsa fidem.
Ite bonis avibus, salvi que redite, nec vnquam
Salanæ pigeat vos meminisse Scholæ.

*M. Wolfgangus Heider Logices &
Ethices in inclyta Salana Profes-
sor Publicus.*

πρὸς τὴν



III.

προεμπτικὸν ἄγιον.

Siccine praelustres animi, tria Salidis astra,
Vos ò Lochouiae fulgida Triga domus!
Siccine cum vestro rursus mutatis Achate,
Artisonumq; aliud quaeritis emporium?
Discitis hinc peregrinantes quòd in orbe vagemur,
Et proprium in caelo sit politeuma pijs,
Ad quod nemo, nisi CHRISTO duce & auspice, transit,
Hic VIA, ALETHEIA, est VITAq; nostra simul.
Constat in his gradibus Patriarchae scala Iacobi,
Tangens summa poli vertice, & ima soli.
Christus enim VIA fit, cum baptizamur in ipsum,
Hac puer, hac infans sidera tutus adit.
Sed cum luxurians paulatim adoleverit aetas,
Occurrunt varijs horrida Spectra dolis:
Illex mundus, atrox Satanas, atq; haeresis audax,
Incautis coeptum quo remoretur iter.
Dicere sed contra quemq; indubitanter oportet,
CHRISTVS ALETHEIA est, CHRISTVS itemq;
Hanc insisto, nec in dextrum, aut deflecto sinistrũ, (VIA est.
Hanc gradior, medio tramite tutus eo.
His ubi devictis scalae fastigia tandem,
Attigerit tremulo curva senecta pede:

Mors

Mors apparebit, morborum cincta flagellis
Trux facie, flagris aspera, corde minax.
Illa gradu è summo minitabitur astra petentem
Deicere in terras, in cinerem, inq, nihil.
Tunc opus & labor est, contra spem firmiter in spem
Credere: Christus adest **VITA** superna mihi.
Dulce mori lucrum est, in vitam transeo morte,
Enecor hic mundo, vivus at intro polum.
En breve hocæporicon quale expositore **LUTHERO**
Exhibet in terno mystica scala gradu.
Vos ó Lochovides quando hinc atq, inde Lycea
Visitis, Aonijs hospita turba choris:
Huius hocæporici memores, removete quod obstat,
Et supera Patriæ quærite regna fide.
Sic peregrinantes Christus comitabitur auspex,
Atq, Viatorum propitiabit iter,
Dum vos excipiet stabiles bona **MANSIO** cives,
Unius & Trigam sanguinis alma **TRIAS**.

M. Iohannes Mylius,
Diaconus Ecclesiæ
Silusianæ.

Ee



IV.

ET lachrymas etiam tibi clara qua-
driga dedissem:

Si summus lachrymas non vetet
ire dolor.

Quod possum tamen optando vestigia
fidus

Prosequar, & meritæ vota se-
cunda feram:

Omnia **LOCHOVIÆ** cedant insignia
Famæ,

Vnos præcunctis Parthenopæa
colat:

Omnia **PAVLE** tibi fausto de tramite
currant,

Et Themidos nitido dignus hono-
re mices.

*Adamus Listeman, amplissima
Facultatis iuridica
Actuarius.*



V.

Siccine LOCHIADAE vobis, sic
te quoq; PAULE
Et caritura schola est, & caritu-
rus ego?

O nigrū mihi iure diē? splendoris amici
Quā mihi discidiū vastitiesq; venit.

Scilicet est solidum haud quidquam
mortale, voluptas

Alternantq; dolor, quod cupis omne
cadit.

Sed levius patiēdo malum fit: spes fo-
vet, olim

Vos reduces nobis gaudia multa
fore.

Hermannus Neubauer LL.
& CC. Candidatus.

In



VI.

In discessum felicissimum

Dnn. LVDOVICI, HENRICI, CVNONIS
à Lochou

Epigramma.

L OCHOVIDVM trigâ Salicum linquente Ly-
ceum,
Emisit gemitus hæc schola tota graves.
Gymnasia has postquam reliqua audivêre querel-
las,
Iratâ tales voce dedêre sonos :
Invida, nonne satis tibi tres habuisse per annos ?
Tanto, si nescis, nos quoque digna bono.
Ite igitur, SALANA refert, feliciter ite,
Prospera sit vobis Sors, Hygieia, Salus.
Interea ut summi monumentum habeatis amoris,
Et desiderij pignora certa mei.
Venerit huc quicunq̃ue bonus, cordatus & altus,
Dicetur vestro nomine Lochovides.

A 5

Suo



Suo
PAVLO CELLARIO

Ille meus, meus, ille meus, meus unicus ille
Quum sis ALTER EGO, me procul ire
paras?

Audi unum queso, unum audi prius obsecro ver-
bum:

Qui mihi promus eras, ne mihi condus eas.
Sed simul & promus simul & sis condus amoris,
Tantum & ama quantum te Rosefeldus
amat:

Promittis? Spondes? Promitto; Spondeo; Franca
Idq; fide? Dubitas? Sat mihi! Iamq; vale.

M. Iacobus Rosefeldus
P. Laur.

Locho-



VI.

L OCHOVIAENE igitur stirpis gēerosa propago,
Et tu Francoi gloria PAVLE soli,
Magnum iter ad varios stimulat mens ire colonos.
Sicq, procul cupidos uos nouus ardor agit?
Ite agite unanimes ò Sydera clara Salanæ,
Semper inoffensas ite redite vias:
Vos felix patrio veniens custodia cœlo
Ducat, & inceptum prævia sternat iter.
Vos facer aligerum nitidis exercitus alis
Sistat in optatis ad pia vota locis.
Vestra simul patrum decurrant esleda campum;
Nominaque æternis stent tua PAVLE libris.
Cuncta secunda precor: Nil candida pectora lædat
Ite, & divinis consulite ingenijs.
OPATER & GNATI sacra numina, numina FLATVS
Digna meis oculis sit precor illa dies:
Qua videam reduces multis & honoribus auctos
Densi humeris populi plausibus ire vias,
Et famæ patrum vestigia iuncta tenentes
Parthenopes medio ponere iura foro.
Tu DEVS addictos serua tibi: sint vt in ævum
LOCHOVIUM sudant qui superare genus.

M. Mauric. Schröter.

L. V. Volffg. Schröteri quondam Consilia-
rij Archiep. Magdeb. F.



VIII.

FLORIDA Lochoviae, Iuvenes, tria germina gentis,
Quam fovet illustri parthenopyrga loco.
Et tu Nobilium doctor ductorq; fidelis
PAVLE, recens animi facte lubido mei:
Ergone SALANAS cordi est relinquare ATHENAS,
Ergone iam ad patrios stat repedare Lareis?
Quis iam non ausu ingreditur temerario easdem.
Quis non inde rudis Nobilium egreditur?
Vos autem non sic: quibus unica & vna reapse
Cura fuit MORVM ritus & ARTIVM honos.
Quam bene conveniunt & in vna sede morantur
Artes ac mores regij & egregij:
Iuris & ingenuae doctrinae dotibus aucta,
Ac morum insigni lumine conspicua:
Egredere auspicijs (sat visa Lycea) secundis
TRIGA, videnda brevi faustiter ingredere.
Et tu Coricidum Charitumq; tribulis Achates,
Orbis ad extremas hanc comitare plagas.

M. Iohannes Hartmannus Tubera-
ranus Francus.

Rarò



IX.

Rarò solent vnis traducere sedibus ævum,
Quos sua Thespiades castra subisse sciunt,
Mœnia nam per amœna vocant, & in alta locorum
Culmina, si culmen vincere posse putant.
Vos quoq; nobilioris agri tria germina fratres,
Cum satis egelidus Sala rigavit aquis:
Triga vocat Charitum, & multo vocat alite trigam
Cum fuerat Clarijs sat madefacta vadis.
Alta petas dixit, votis maiora capeffes,
Iuro fidem, mea non fallere secta fides,
Tu modò perge velut pergis, nec contrahe mentis
Vela, iugum p uci quod domuère doma,
Non fuget aureoli custos te velleris inde,
Clava nec Herculeæ quam tenuère manus.
Et tu Paule lares rectè nunc quære viales,
Spirat enim ventis mollior aura tuis.
O sapiens, cuius placido tam littore fixa est
Anchora, quæ sevas non timet ægra manus:
Maxima sunt tandem virtuti præmia: virtus
Ambiguæ sorti succubuisse nequit.

Iohannes Idenius
Brandeburg.

Est



X.


Est aliquid clypeos thalamo suspendere avitos,
Et longa serie stemma referre patrum.
Est aliquid permulta parare, parata fovere
Divitis argenti pondera, rura, domus.
Est aliquid fateor, sed quis virtutis egena
Laudibus extollat? quis decus inde ferat?
VIRTUS Nobilitatis apex & origo putanda est,
VIRTUS nobilium nobilitavit avos.
At proprijs est nixa bonis, alienaque spernit
VIRTUS, ornatu sat preciola suo.
Nosse Deum, fecisse bonum, Marte arte valere,
Maiorumque suo facta labore sequi:
Hoc virtutis opus, leges hæc amplissima laudis,
Qua præstans vere nobilis esse potest.
Sed patrijs latitare focus, atavosque trecentos
Iactare, & nummis exuperare Midam:
Fortunæ bona sunt, nil laudis habentia, quando
His hominum dives quilibet esse potest.
Non externa beant bona, verum interna, sed isthæc
Vix è millenis unus & alter habet.
LOCHOVIAE Charites, flos trinus, & inclyta triga,
Ter geminus veræ nobilitatis honos;
Externis interna bonis vos iungitis arte
Gnaviter ornantes pectus & ingenium.

Nec

Nec satis est vos esse latos è stirpè parentum
Nobilium, & multas cernere divitias.
Quin vobis, Patruo vos exhortante, paratis
Aeternas animi nobilioris opes.
Et iam Marchiacas avidè lustrastis Athenas,
Ac Salæ irriguo iuncta Lycea vado,
Nunc aliud stat adire solum sententia vobis,
Et varia in varijs discere iura locis.
O cœptum egregium, laudabile, nobile cœptum
Semina virtutis, semina laudis habens.
Pergite felici deducere tramite cœptum,
Monstrabit PAVLVVS duxque comesque viam.
Quod superest PAVLVVS vester benè vivat Achates,
Nobilium CHARITVM vivito Triga trium.

*Benedictus Pauli Osterburg.
March.*







44/4

AB 44 ^M / K,4

ULB Halle 3
002 680 319





13



DECAS PROEMPTICA,
Nobilissimis & doctissimis Iuvenibus
DDDnnn.

LUDOVICO, HEN-
RICO ET CVNONI à LOCHOV

Fratribus germanis & patruelibus,
Reverendissimi & Nobilissimi Viri,
Dn.

LUDOVICI à LOCHOV
Metropolitanae in Archiepisco-
patu Magdeburgensi Ecclesiae De-
cani dignissimi,

Ex fratribus
GEORGIO & CASPARO
Nepotibus:

Ex Academia Salana continuuum triennium &
ultra usurpata ad exterar Academies,
una cum

Dn. PAVLO CELLARIO M.F.
ipsorum Ephoro,
discedentibus,

Dicata ab Amicis,
Calibus se perpetuum fore spondentibus, Quales
typus in seq. pagina exigit.

Excusa ibidem in Librario Tobiae
Steinmanni, M.DCI.Kal.Quintil.

